

竹

初

詩

鈔

竹初詩鈔卷之十二

武進錢維喬樹參著

姪伯珂

中錫

編

子中鈞

孫

潤斯
濤斯

校字

廣庭相公奉使越中憐才念舊情意肫摯奉送還
朝得詩六章

絕徼西南再洗兵遂升台席坐持衡
治河一爲蒼生出
觀海仍煩赤舄行罔象天吳咸避道
兒童走卒盡知名
袞衣泣止紆宸顧
幾歲端居荅聖明

天人容表定非常
異數重瞻車服光
蕭劍自紆黃錦綬
鮑聰獨控紫絲韁
名流入幕慚卑論
諸將承顏失蹶張

文憲邦真不忝固應禮絕舊班行

仍世韋平相業傳丹青鳳已冠凌烟惟將憂樂關天下
詎屑功名競後賢東閣盛延蘭省客北扉兼領玉堂仙
不知祖道沙隄側誰擅清風第一篇

鑾輿親視海門東特敕新增捍禦工欲計久安寧惜
帑善籌羣議莫如公有時射隼高墉上亦復忘魚淵水
中一出指揮方略定尙聞談笑闢鴻濛

梅花香發戒行騶詔許西湖信宿留共簇小車三竺
去爭看緩帶六橋遊半生畫角邊城晚連歲黃河斷岸
秋如此烟波與山色可令清興淺南樓

小草當時逐選人春風特與發洪鈞掃門自分泥塗隔

負弩重邀拂拭親垂論似聞憐尺枳感恩虛想奉華茵
倘隨計吏趨公府東向猶容問治民

午堂寄贈刀扇詩以酬之

綈袍一贈遂經秋

春間午堂曾贈衣一襲

復喜魚書自遠投爰盡

愁心惟楚竹分來俠氣有吳鉤蓬麻性豈因人直蘭茝
盟難向俗求三歲緘滕感君意惟應夢繞白蘋洲

懷浣青蜀中二十韻

骨肉漸零落况各天一涯蜀道自古難遠望使我嗟
也婉婉姿少小掌上誇論史熟在口習詩得其葩惜非
丈夫子徒茁蘭堦芽憶在歲協洽視汝頻陽衙半載不
忍別別時淚如麻我年雖汝若汝見令憶爺每于一語

肖振觸慘痛加東山斷絲竹萬事隨飛花賜書塵久封
門戟風吹斜寧知祚日落披葛摧西華汝母病臥床藥
餌貧須賒含飴倦不樂梨栗徒喧拏我傷池草歇告歸
苦無家一官涉險巇性命如泥沙羝羊艱退遂憂患先
齒牙息壤知何期誰能挽日車秋風盪海色欲往無浮
槎相思不相見夢盡街鼓撾

蚤菊廨東偏詩以誌之

秋風海上來發我霜中枝籃輿早過市觸眼黃花滋將
錢買百本位置堂東陂刪繁出種類揣稱排參差素屏
三丈間爛漫照酒卮居然故園色清夢籬東時半載來
四明訟庭紛難治簿書與篇翰勢竟背道馳方慙俗吏

懷難令隱者知一朝見秀色疑是天邊移輕香豈擇人
心賞各有宜灌溉仗老圃爲我開幽姿朱門枉采纈細
路含愁思何必藉駐顏大造曾無私賓朋展佳宴絲管
羅謳吹白日漸短短清露何離離他年掃三徑以爾驗
歸期

夜坐懷牛堂

海角生涼月清光千里同悠悠若雪水不與甬江通院
靜聞孤柝城高度早鴻年年對搖落無計整歸篷
古戍雲初白遙山雨更青感時雙鬢在卽事一燈熒匣
鋤無寒燠庭花見醉醒微詞逐多口幸遣故人聽

重九日舟中作

去年閑棘闌岑樓聽官鼓今年泛姚江孤篷打風雨江
水古今流征衣瑟瑟秋山容藏遠堞鳥影沒荒洲淒清
此佳節愁共潮聲說白雁不憐人故園書斷絕斷絕何
足道歲月淹人老不及道旁花霜中顏色好

曹娥江

鳴清簫伐鼙鼓越俗重巫使巫舞婆婆老翁去何許白
日慘慘波茫茫老蛟怒騰神龍忙娥兮奔號淚成雨下
照蒼顏臥水府此時孝女心何有江干尋但見波濤若
平地七日抱父凌重陰悲風盪靈旂至今習習慈雅飛
捫碑但誇絕妙辭豈知幼婦勝大兒我拜荒祠腸寸斷
有父未能視含飯

過山陰有懷平太史

已過落帽辰復值泛舟夕可惜剡溪行
颿風吹片席平公瀟灑姿遊戲偶塵陌
文學與循吏棄去兩無惜晚悟歸空王
貝葉手繙繹人生涉世網纓珮悉幻迹
外人而內天庶以安所宅昔賢乞鑑湖
我乃羈作客未燒頭上巾枉負脚下履
真心契道素苾蒻亦銘魄一室靜焚香
猶能爲公役

道旁見紅葉可愛

紅葉紅于錦斑斑近客裳自能增野色
未可薄秋光松菊空留徑關河屢換霜
酡顏肯相借豈惜濁醪嘗

曉發錢江

故國浮雲外新愁旅雁前秋風吹客鬢又上渡江船
山霽初舒日沙寒未散烟中流衣袂薄擊楫問遙天

卽席

生無俗骨厠狂且衆裏翻嫌禮數疏豈有值錢程不識
只應滌器馬相如襟裾對客違心久梁肉當筵倦酒初
何日蘿衫謝人事松筠深鎖閉門居

題歲朝圖寄平太史

禪心是處可爲家不受人間爆竹譁惟願君身似松茂
一年一度伴梅花

嬾拙

嬾拙平生意摧眉復歲闌謀身諸味淡作吏寸心難兒

家經史羅尺腹去膚漚液沐且浴九天霏霏散珠玉雕

蟲賤技數卷詩燭火竟敢投陽曦孺子可敎首領之大

索細柄無不治尤長論衡王仲任爲我磨蝎身宮尋生

曾推余命主入磨我無韓蘇之才而廼有其命至今眉

摧頰泚頰沉吟我思人生窮達何足數墜茵落溷悉黃

土文章有阿士筆墨非客卿鄣簾一何愚負乘徒爾儉

先生知我祿位屯何不令我竄名公集大有神如蠅驥

尾容依因千秋萬歲過眼雲後世相知者誰人

鄞有小魚味類蝦米俗呼曰海蝦阮亭居易錄作

海艷郡誌物產類不登簡齋書來索此寄贈一筐

並佐小詩煩錫以嘉名循加恩水族例可乎

明州數海物最美江珧誇我來兩食之似較麤蛤嘉

書中

以不得來啖江珧

柱爲恨故首及之退之馬甲柱恠闕徒驚呀風味敵荔

支亦覺坡言差其次衆鱗介列市形支叉肩輿每東出

捉鼻腥風颭

鄞之東門濱海魚鹽所集

我生薄滋味適口不敢奢葷

羹未下豉淡食胃轉加隨園令鄒平食經手搜爬行厨

昔分飫調劑追狄牙書來索小魚細字注眼花我讀羈

然笑再讀乃自嗟一官溷斥鹵跼縮居侔蝸失雄媚慙

鰲逐浪目待蝦鰂書墨易滅蚶瓦稜難遮蠓黏千百多

螭顧左右斜嗜好復殊性食鰕旋食蚶誰于逐臭中毫

以薑葱芽先生慣山居肯蓄定滿家通印棗弗愛鱸薹

如泥沙胡爲動食指纖悉求荒遐春潮漲鮎埼

漢書注鄞有鮎

亭戢戢多于麻漬以散鹽白曝以烈日赧此物充贈遺
雖貧不須賒讀雅慮未熟稽名徧官衙江郎賦紫驚謝
公詠石華海碎益新錄物理尋無涯顛顛古所戒異咏
皆淫竈啖此恐致渴奉佐太白茶試味草木腴或可凌
雲霞

柬蔣侍御榕菴來遊西湖

見父之執禮所尊屈指海內今無人歸然一老靈光存
敦槃兩代交情親合子與余有香火誼去年賤子還鄉曲謁公舍

南之竹屋

公有齋曰舍南竹屋

青袍御史白髮翁七十丰神朗如

玉總角拜公床下時公漫友我實我師齒牙餘論悉名
噪何況子弟通家知安石東山竟不起後堂絲竹貧猶

爾若教濫用水衡錢廣厦真能庇寒士春風三月扇明
湖聞公畫舫來徐徐看花不用筇杖扶坐客常滿張行
厨高牙故人首延致以次迎門膳陳貳謂親半日塵尾
譚如聽三山鳳笙吹郎君才清頗相似白華油油養初
備王惠言如萬頃波謝莊兒本千金器海濱下吏困折
腰願見顏色鄙恹消袁羊丈人之老友指簡齋煩語停橈
一相守餘杭自古富美酒飲斯飲斯可以壽

寄管戶部韞山豫中五十韻

海內論膠漆茫茫有幾人聲華都易合肝膽最難真皂
帽心先折青松誓屢申略言交梗概用表誼深淳牛馬
雖同走雲霞本切鄰每看騰上色知是出羣身岸幘爭

掛纂懷鉛証苦辛戲還偕六博眠或共單茵市骨燕臺
畔悲歌易水濱相攜因入洛不遇暫干秦酷日蒸炎野
遙程啓夙晨口俱嘗惡草面各染驚塵地險嶠函接途
窮風雨頻笑啼通一月性命并雙輪太華瞻仙掌黃河
繞帝津鶯花唐殿月絲管漢宮春弔古鴻詞發聯吟蚓
唱新頓忘遊蕩落祇覺客逡巡促膝尤深夜摧眉特細
詢謂求毛義檄須飾趙咨巾籌畫教濡轍歎拳過指因
道能規出處義獨邁交親我宦終如此公才早絕倫贈
襦知顧介分肉驗陳均伯厚難容惡原思豈諱貧衆中
無唯諾腹內實經綸上計惟長揖分曹得左民治先權
戶口智足算錢緡判事名偏愼當仁牘必伸依然辭謬

謂肯效走駿駿自奉韋絃佩常邀筆札陳官卑多美疵
語直比貞珉屏宇侔雞伏郊田鮮雉馴鼓撈城旦哭迎
送督郵嗔貝冑聊陪侍莎廳儼主臣座徒嗤食雁庭自
媿懸鵲嬾聽朝叅鼓愁然暮讀薪魚鹽腥易入縑軸蝨
難紉堆案昨增眊拈毫手漸皴勞勞何所樂皎皎思終
磷憶昨歸銜恤來過款浹旬君子去春視子武林素冠容不改墨
綬誨惟諄徐孺空懸榻周郎許飲醇夷門從結客梁苑
竟畱賓曉月耶溪棹秋風鏡水鱗故人虛厚望下吏擬
羈淪勲業應無分文章庶有神宅荒嗟仲蔚兄學失周
循久擬以兒子從君受業而未果面友君休問頭銜我久顰他年報知
已千里寄吳蓴

寄劉戶部退谷時佐廣庭相國治河

玉貌郎官中壘公致身不與故人同書生竟奏輶鈴績
元老兼資水土功斷岸河聲喧夜雨經年使節感秋風
殷雷莫賦南山句好奠蒼生荅聖衷

往歲之江合兩萍

去春君以謝
獄至武陵

深宵欵語短燈熒因馳

遠微頭全白爲惜卑官眼倍青馬齒記來都易長

與余
同歲

鴻吸此去更難聽宣房何日輶車返頻向天邊指一星

呂秀才森峯以魯思姪書冊索跋爲題古詩一首

卽寄魯思

人生匪金石骨肉悉易朽古來一藝傳皆以神明壽
也吾鳳毛清才邁儕偶家貧鮮儋石至行敦孝友其懷

本真醇其書乃冲厚嗜好既入骨揮灑不離手麥光摩
萬紙筆禿漸如帚縕袍謁公卿南北屢奔走精靈萃一
物榮利盡芻狗我雖昧六體畫理頗尋剖聞諸瘦竹翁
用力斯可久張宗蒼號瘦竹師虞山黃鼎六法淵源實
得一脈于麓臺諸前輩晚年臥疾日下先
文敏兄往視之囑曰畫法今不絕如綫矣用力之道
通于神明思之思之兄嘗以語予竊謂書法亦然錘
虛先寸心運健貫曲肘滌習去塵穢討古得波紐自非
專壹志難厠翰墨藪呂生袖短冊愛惜等瓊玖索我留
謳吟爲爾論好醜雲山有本師縑素竟長負童烏未能
預阿買常在口他日發篋看予言然乎否

憶曼亭夫婦羈蜀中

渤海猶餘盜長沙竟謫官未能忘甌破仍自苦瓊寒十

口關河隔孤臣鬢髮殘君知宦途理損益使身安

蜀道難如此經春信息稀得歸真亦好多病竟何依骨肉求惟夢田園計久非尙餘癡叔在眼盡暮雲飛

題畫二首

雨歇疎窗絕點塵興來縑素欲生春筆端尙有倪高士不是尋常簿領人

疏林參錯水灣環一隊歸禽落照間著個扁舟暮潮外順風直可到家山

呂甥叔訥書來爲言謁見廣庭相公于儀封工次詢予近狀并及先文敏兄家事情見平詞感而賦此卽寄呂甥

呂甥一紙有書傳曾謁元公話藹然乍洗甲兵西塞外
復籌樞帚大河壩振衣頓覺諸生貴握髮真看宰相賢
百萬生靈求上策誰能扣額禱蒼天

撰杖湖山恍隔塵經年拂拭尙如新頌詩更觸楊惓惓
感舊頻傷向秀情郭外眠牛空有地門前羅雀竟無人
阿兄遺訓猶堪告一字家風不厭貧

題畫扇

雲出無心鳥倦飛此身何日遂初衣扁舟早是爲漁父
那得迷津有是非

簡齋以隨園雅集圖屬題名卿學士墨已盈紙獨

少五絕耳因漫賦四首

但得朝衫脫幽棲卽洞天先生此宴坐已過卅餘年

地足當三徑人還稱五君

圖中計五人

江山有文藻休擬付

烟雲

似鶴猶能健

簡齋甚愛錄方從天台雁蕩歸

盟鷗竟不寒何須待千載

便作古人看

題詠多前輩風流數十公猶爲折腰吏名媿綴圖窮

偕蔣榕菴侍御袁簡齋平瑤海兩太史成成山司

馬暨家興沙方伯遊湖上小憇淨慈方丈觀茨上

人自畫小像遺卷分題五古一首

明湖清且漣可洗俗吏俗况陪諸名公越酒載數斛五
月炎風蒸如漿汗單縠出城見山水一豁曠眯目古貌

四五輩俱副是腰腹談往兼及今霏霏散珠玉頗聞簪

裾流遊宴紅粉簇

時有女樂從吳門來或招予湖濱曲宴未赴也

亮無安石姿

亦寡秦青曲清暉在林岫未必愛繁縟何如此良會屏

盡絲與竹精藍晤惠遠戒行具白足茶瓜款嘉賓賡詩

妙閑熟

寺僧佛裔以和簡齋詩出示

灰師所遺畫我見已累幅手自

摹瞿曇心能發蘄荀才人本謫仙何假禮乾竺唯其脫

塵鞅不異返初服年來漸割捨周妻及何肉乃羈斥鷃

棲尙類羝羊觸强顏酢杯竿雖衆不如獨茲遊羣彥齊

後期恐難續斜陽墮諸峯但覺長日促歸來聽街鼓依

舊一燈綠

荔支歌

昔聞荔支品第一嘉果不啻天邊懸香山圖序君謨譜
三復口角恒生涎明州濱海接閩嶠四月舶趲來相連
堆盤磊磊燦火齊紅鹽水漬俾新鮮絳綃中剖玉膚出
清甘沁齒漿流咽方紅陳紫不可辨色香味在猶能全
譬如傾城自遠嫁雖稍過時風骨妍減餐日擬啖百顆
欲補舊渴償前緣未旬內熱左車動通神益氣何有焉
人生口腹有分定瓦盆脫粟皆由天貝邱葡萄張掖柰
遠致萬里徒愁悵乃知尤物戒久戀斷棄嗜好斯能仙
寄鄭贊善炳也

塵衫暫脫訪湖濱兩謁臯比臭味親局外較能籌世事
座中深媿目才人貧艱藥餌留貞疾老倦逢迎厭雜賓

最喜郎君俱玉立定教風雅有傳薪

紛紜蕉鹿夢生疑欲問前途詹尹知寡過未能緣作吏
浮名無著漫論詩置身但可憑青簡入世惟虞失素絲
何日抽簪謝榮祿心安蔬水也相宜

鎮海道中偶憇紫荊巷

炎風初歇馬策竹似迎人野寺鐘魚寂荒村鳥雀頻山
光能入牖海色久迷津指點滄桑迹居僧禮意真

檻外紫荊

湖菴僧云舊卽海
汊不知漂自何年

瓶中供白蓮蘭花二種各酬以句

未出污泥外能含太古姿折來應素手墮去失清池色
相非吾愛空王是爾師天然去雕飾相贈有新詩

獨寐如空谷忘言臭始真相憐惟靜女所媿是騷人氣
味無羣卉吟思總隔塵秋窗看不厭秋契暫容申

得浣青書却寄

日日江帆盼夕曛封書空到雜悲欣無多骨肉須頻見
此後風塵又易分三峽驚濤催短髻八年別淚灑重雲
情懷擬跋千條燭說與哀鴻一一聞

橫溪舟中懷午堂

靜夜緬停雲孤吟隔殊契秋潮忽有情送我故人至相
逢不握手因在岐路間新詩一束笥展視開心顏君來
我偏去笑指江干樹繫纜且勾留縲絲說情素張帆就
在渚清夢落何許海氣作新涼溪聲喧急雨明州算樂

事斗酒猶能藏絲竹羅吳飲期君舉千觴飛鴻影易沒
聚散彫華髮他日復相思悠悠屋梁月

烏石洋

人生涉巨川帆柁如長城况爲望洋歎絕險心更驚長
年晚告我今日波浪平放舸竟中流一葉蒼烟橫大荒
浮積氣瘦石羣礁傾雖覺天水寬未愁性命輕蓬瀛渺
何所鐵鯨澄空明滿船神色夷不異江湖行天意閔蟻
蝨弗使羈官程風濤亦何常敢與蛟龍爭

至象山郭外十里潮退不得上

水宿復今夕客行豈自由沙乾空帶雨山遠爲經秋繫
纜平憂患攤書抵宴游濁醪無一醅未許夢滄洲

還舟昏夜復得順風作

一順斯一逆人事有固然環轉利往來仁愛惟皇天布
帆挂十幅應手左右旋耳聽風水聲目極空濛烟星寒
颭欲墮雲黯垂無邊洪波製金蛇疑有陰火燃怪魚作
鳴叫瞑怯千重淵北去徑萬里西歸守孤舷此時蒼茫
身謬擬如飛仙舟人快安穩謂倚長吏賢稍稍聞岸蟹
便請放脚眠嗟爾蚩愚氓但見官乘軒豈知涉人海平
地方愁煎

曉自牆下潭登陸

野色初分路烟光欲上衣濕螢低度草遠火半藏扉人
語行相引詩懷夢漸非潺潺道旁澗雖急有清機

送午堂還吳興

俗客如春萍散去了無惜嘉客如旨酒到口不多得王
郎省我來甬江停橈五日歸程忙苕溪霅溪至此八百
里別夢未知誰短長離筵一曲歌瓊樹明河漸高星欲
曙海月蒼蒼照君去君看富貴等烟霧求仙好色兩弗
誤

午堂頗知長生久視之訣而桃
葉柳枝未能忘情故戲及之

題管生耐齋乞食圖

竿木隨身衲兩肩便逢啍蹴也前緣世間多少紆青紫
輸爾囊無分外錢
王孫市上難謀食伍相蘆中未免窮都比折腰風味好
受人憐處亦英雄

閒身供養有雲烟幾見端溪盡石田我祝耐齋無不耐
飢腸小轉儘堪仙

曳裾不少文章客祭壠偏交富貴身萬事半從求乞得
但希一飽最高人

九日同人大觀臺登高卽事

微雨不濕道秋烟漸生衣城中見吳山蒼翠橫欲飛佳
辰值重九客館寂以淒足音集素心要我成攀躋驚禽
導前路落葉紛滿蹊眼底排江湖霧歛氣未晞輿圖一
堞抱戶口萬瓦齊遐想風景殊懷古憑殘暉茲遊亦良
會脫帽羣遨嬉天意令合并人蹤易睽離隨陽各鴻雁
三徑未得歸暫結蠟屐緣弗負清尊期荒祠桂之樹坐

久幽馨霏他日隔兩塵相望徒相思

偕曼亭泛湖賦贈

三生石畔重遊客萬里橋邊遠謫人潘岳閒居聊作賦
謝莊多病自憐身秋高砧杵當宵急雨歇湖山入夢頻
同是天涯感陳迹鏡中恐有鬢霜新

喜序東魯思兩姪至寓和莊上舍然乙韻

茱萸插罷雁行來喜見江帆次第開臥處故人同聽雨
到時羣從得銜盃天寒裘馬行非易曼亭擬暫歸毘陵
卽園北上然乙當
謁選序東魯
思將赴闕中客久關河老漸催此會後期須努力登臨
休遣負清才

不寐次然乙韻

客夢涼先入秋從積雨成鐘聲藏落木酒氣接殘檠薄
宦非吾意浮名惜此生槎枒滿胸臆待向筆端傾魯思
屬畫
未竟而臥

秋夜有感示曼亭兼索然乙和

秋風吹到雨瀟瀟客館榮寒手倦挑歸路一千家自近
薄宦四明去
故鄉恰千里浮生四十髮初凋名心尙擬爲儒吏宦境
深慚苔 聖朝我未得休君欲出只應晚歲結漁樵

壬寅十月廣庭相公以讞獄再臨越中疊韻六章
述德抒情奉呈清覽

不恃胷中十萬兵上公論道倚鈞衡親承 紫幄談經
侍屢奠黃輿露冕行霖雨濟時規相業梅花體物擅詩

名年來風度欣三接

公自庚子迄今凡三至武陵

真慰吳儂望眼明

公才公望越尋常碩畫能分日月光每見宗臣持使節

何曾清賞繫遊韁兵刑劇處煩平定河海驚流賴主張

二十八年身在外

公登朝四十年而奉使馳驅已歷廿八載矣

豈惟聲烈播

南行

履響星辰遯聽傳檐帷所至繞祥烟天教大事資元老

人仰膚功邁古賢極貴依然儒氣象太和卽是地神仙

文章勛業俱無兩欲掩崧高頌首篇

袞繡晴披滄海東陽春隨馬步能工恩膏是處懷郇伯

壽考他年祝路公體國如家羣策外先憂後樂帝心

中卽看几舄還

朝日長使邦人賦雨濛

大隄如砥引鈴騶南國頻看化雨留握髮真忘黃閣坐
駐顏豈必赤松遊靜縑素堪銷晝共話湖山已隔秋
相對論文容下士公論詩主少陵書法受南宮話令人
百尺臥高樓舊媿媿不倦輒至夜分乃命退

卑官深愧目才人

喬菲材作吏屢蒙獎借以未入詞館爲惜

幾向塵中荷大

鈞欲報深知只清白敢希餘潤及交親饕餮尙藉陶潛
米咳唾常思丙吉茵一語慇懃記垂訓好留慈惠到斯
民

題畫寄曼亭

一從裝牘少餘閒筆研前緣分已慳多謝故人留尺紙
手生寫出歲寒山

除夕作

殘臘不少留餞客復一年金尊醕海水壯氣空雲烟竭
來明州住兩見星回天塵事苦集蜩迫促景易遷爲公
民無襦爲私囊無錢作吏竟何補徒使人壽煎前堂聚
羣羈後院張長筵酒罷獨嘿坐絳燭當窗然此夕不足
惜所惜歸期愆爲語汝南雞慎弗起我眠

寄篠如

別纔三月已如年每望關河意惘然不及甬江江上雁
春來猶得避風旋

左家尙幸存嬌女謝守誰教喚客兒獨向寒窗攪離緒
梅花雖好怕吟詩

弱女非男亦可人字初上口記難真粧成阿姊呼千徧
盼過殘冬又是春
一官匏繫我難休四壁徒存汝亦愁何日田園謝人事
粗謀衣食了無求

題李流芳西湖采蓴圖

髫齡我住西湖曲

余年六歲卽隨侍先大夫蕭山官署

頗愛蓴羹嘗未足

壯遊頻向西湖居鹽豉欲覓心躊躇扁舟采采竟未得

橫葑如雲開或塞行厨偶一箸銀絲不辨何來徒耳食

宋北玉謂西湖蓴菜多產放生檀園居士人中仙山水

潭左右梁山舟以爲今已無有放蕩湖蓴間宦餘始憶此味美季鷹尙覺非高賢甬江
范子收縑素二百年來傳逸趣五肉七菜何者甘塵吏

腥羶自知誤烟波千頃菰蘆渺風景鱸鄉夢魂繞人生
適志皆可圖秋菰春韭無處無

題范秀才莪亭手輯扇面字畫

妙蹟緘滕亦淨因借看一一墨鮮新縱教懷袖難重入
展處猶祛十丈塵

百錢老姥乞羲之便面江山有郭熙不是收藏逢好事
秋風吹作萬條絲

題白陽山人越遊紀勝圖并草書李供奉詩長卷
百頃琉璃映黛螺人從碧落得秋多三生我枉如宵雁
但向明湖影一過

謫仙狂句本仙才清景圖成逸興開多少勞人難到此

一須小艇二深盃

病疝作

人生有否塞患在陰干陽病起腰膀間百體爲不臧嗟
余質羸薄卑濕居南方旣無藥餌扶復昧衛攝良一朝
發沉痼足蹇畏下堂初覺牽引急旋乃轉側妨舉室圍
呻吟攻療雜火湯我聞疝爲虐其害殊瘡瘍履霜始不
慎厥邪伏腎腸癰頑漸難破狐惑詎有常苟非見覘消
何以得暖康又聞病由內寒水所濫觴潛中下體虛久
如堅冰強阻隔及洩便禁止先膏梁庶緩心脈急素問
心脈小而急弗使鬲肺傷我今內弗熱獨居况繩床胡
病名心疝爲疾相逼癩憂徒以癢投方乏火齊國手誰爲倉復無

鄧平叔呵背爲周防人生感六淫莫非自召殃痛定會
有時剝膚驟難當得乘藉舐痔救旱欲暴尫所治失其
道祇益深膏盲陽氣若天日凝戰愁元黃穀明與蠱晦
饗食聞存亡猝鮮三年艾早種千畦薑匹夫慎惟躬此
理則甚彰

范秀才手鐫種花句用圖章見贈率賦長歌奉酬
竹初居士澹蕩人前生未修墮劫塵北遊燕臺西入秦
歸來作宰東海濱海之濱兮古望縣丹山赤水夙所羨
誰知靖節枉折腰漸使長恭成假面三年束縛懷不開
簿書堆案爲生涯每逢噲等强酬酢如被疴瘡蒙奇災
胸中縱有八斗才肘生枯楊口銜枚搓枵偶自吐敗壁

塊壘未足消深盃忽然城西得范叔足音蹇然出空谷

示我繡紙供摩挲

莪亭類以所藏字畫索予賞鑑

贈我蟲書費雕琢古

來仕學兩可全雙鳧飛處吏號仙我今泮泮百從衆河
陽風雅奚有焉圓扉兔滿臥青草麥隴雉竄驚荒烟來
雖已暮乏五袴去恐未潔受一錢慚君刻石謬相許此
邦之人尙古處竹柏貞含別有天芝蘭臭合何論土小
官不讓成恒俗墨綬何曾我所欲辭却種花去掃花願
向佗喬作頑僕

寒食日奉化道中小憇四角亭

三春猶未暖况值禁烟時古驛人過少平畦鳥下遲半
垣僧共語一飯僕相期客緒輪堤柳年年綠不知

過岳林寺晤李大令時落職寓此

夢境重遊感劫灰

甲申歲余會宿寺中一夕

山光無恙照銜杯休官

味本于僧近訪舊情偏爲雨催入坐鐘魚塵暫隔窺簾
鳥雀意無猜衝烟別去還成憶惟有溪聲送客回

鄞邑屢不戒于火去年秋八月災者百餘家鎮海
樓三楹焚焉今春將謀修復登而相度有所感怵
爰作此詩

四明有麗譙建始寶慶年飛薨屹雲表作鎮溟渤邊甲
申余見之壯觀畱詩篇竭來守此土目擊生青烟屈指
十九載成毀良由天我聞火爲災祝融本無權百物萃
精氣盛滿自召愆所以延燒患往往出市廛珠貝燦生

光亦如積油然虧盈有恒理儼始求幾先岑樓豈知危
欹攸去其顛鳩工重修築復糜衆金錢徒薪悟貴早如
水何弗全爾民慎節儉取戒膏自煎

題黃子久秋山積雨圖卷子

買王得羊人所喜何况蘭亭獲蘭紙但須刮眼有金銳
魯鼎何曾贗能似井西道人吾師乎一株片石皆可模

喬林過雨尚在手

子藏有子久喬林過雨小幀

江山攬勝空留圖

江山

攬勝圖子久爲雲林所作長卷也今存

兄及見之以爲第一傑作曾屬畫院徐揚臨取稿本今

存子

笛中武林三月春初晏一卷雲山忽對面乍看潑墨但

淋漓細審拈毫悉雄健世間神物有護持真賞待我我

改疑金多身閒匪斤毫心摹手寫首能爲墨木焦木印

兩角我更題詩作注脚相逢果是絕代姝何藉良媒重

要約

或以卷中無名人跋語爲嫌此旁魂之論真耳食者流也

題畫

楓葉初丹又一時鱸鄉如此少人知溪山真個容吾往
便棹扁舟也自宜

阿育王舍利塔歌

鄧峯去城五十里云有寺藏舍利子尸羅雙樹沙難覓
一顆瓊瓏綴于此育王罪業何易消殺人無筭如蓬蒿
其時八萬四千塔一塔一命填呼號佛書阿育王殺八萬四千夫人懼罪
徧造此塔如其數天龍夜舞六丁泣鬼工役使不告勞胡然具
此大神力迷悟亦等拋屠力薩訶獵者末自懺涌地寶

珠忽灑灑勤修遂闢壅堵靈勝蹟長教梵夾驗我來遊
覽愛玉几寺前山名玉几山僧導我向作禮高尺四寸廣七寸
非金非石競詫指中懸小磬覆如蓋欲叅黍粒窮仰視
頗慚下士目易盲亦恐真人骨原死浮屠之論色相空
莊嚴華鬘非其宗吉祥殊勝獲施捨亦藉濟此一輩窮
我不毀佛亦不佞吾儒堅固有本性光明自滿震旦中
爪髮不曾留孔孟

天童寺遇雨坐白雲山房作

名山厭塵容作雨禁吏屐頻年夢遊意已到仍間隔靈
區孕金莢百里衍秀脉義師結茆地興廢更幻迹夾道
長松蒼環門雙澗白廣壇縈蔓草高閣皮梵冊老僧乍

退院閒臥古蘿薜開窗納羣峯丈室未覺窄山光與竹
氣烟裏成一碧雖阻百尺登亦遣衆慮釋宰官豈足貴
輸爾尙役役偶此聆鐘魚彌令緬泉石遠公弗相送託
宿會三夕歸路行空濛散衙一浮客

它山堰

在鄞縣南五十里堰上有遺德廟祀唐邑令封善政侯王君元暉堰蓋所築也元樓

詩鑰有

句章古城墟本在它山地

郡誌秦郡會稽分縣甬東曰句章治在它山

其泉

匯衆派秋漲昔爲累王侯太和中單車來作吏善相水
土形因茲兩山勢疊石作巨堰廻流七鄉被級層三十
六脊丈四十二冶鐵灌使堅澄沙去以次江溪遂兩劃
鹹潮不得至

鄞邑濱海每遇風潮鹹水滲入田疇禾旱皆稿死故多立碶堰所以爲之防也旱

則醞之漑潦則洩弗恣分注劑多寡如以權量試

此後

遇澇則七分歸江三分入溪旱則反是

厥下橫梅梁作鎮神力置

福藏梅所隱

居山有梅一株甚大上截伐為會稽禹祠之梁下截為它山堰之梁長三丈許臥水底歷久不朽

驚湍

激千載偃然蛟龍睡用奠賢宰功于理非詭異稻人職

周官水衡重漢制名埭著循績樊渠詠惠治皆開王政

鉅足使禾黍穰况此斥鹵區瀦導尤要事惜水如惜血

語見明沈文恭遺鄭令魏成忠書

農功賴有脩非侯大創建萬畝幾廢

棄廟食雖一方于國協祭義橫渠瀉白雲社鼓振空翠

想見雷雨中靈猶奮神智如何民弗忘飲食利其利予

亦尹茲土展拜自含媿

東錢湖

唐時本名西湖以縣未徙時湖在其西也

東坡昔日守潁州復有西湖供讌游我今作令明州住
亦有東湖索題句三年繫清夢半日駕短篷水光山色
漾明鏡下上但覺雲溶溶輕陰遠環諸嶺翠落照乍返
澄波紅沿流參錯見短屋隔嶼隱約聞疏鐘茲湖三邑
資灌溉七十二鄉衆流會百夫築碶慎所防一舸投罟
洩斯害湖有七堰啓閉貴以時每水溢時漁戶私自放魚洩水捕魚大病水利頻除茭葑
蔓未已或借樊籬佔成界昔人建議悉良法俗吏奉行
枉秕稗我來雖亦圖幽尋采風兼與懷古深鳬鷗飛散
簿書眼霞月欲盪塵煩襟湖有霞嶼月波諸山丞相書堂久寥落
不及陶朱釣魚樂古來富貴只須臾何況卑官强束縛
却思勝境晦乃全此湖僻處猶天然我將縱筆拓真本

攜歸買不費一錢

秋熱

炎蒸猶未散秋風物理從教悟
夏蟲祇覺丈人蜩可掇
誰憐仲子蚓難充
枯槐聚已嗟成夢腐草光猶恃滿叢
一賦歐陽憎未了惟應消長付蒼穹

蟬

知爾意多感况禁風露秋費聲
應有恨美蔭豈能求一
樹炎涼暫三生羽翼休終當脫泥滓
乘化哂蜉蝣

螢

偶抱微明在曾無照字功
出身原腐草鼓翅借炎風
簾幕還能入飛揚漸不終
宵行如爾輩究亦可憐蟲

蚊

如雷聲自盛欲避竟誰能
瑣細來無已肌膚啗豈勝危
原畏捫掌毒稍怯明燈飽
爾曾何惜須知瘡瘡增

蠅

自入風人刺營營逐每難
最能趨臭腐偏欲上盃盤
練色汙雖甚堅冰座可安
世多忘溺者一例點屏看

寄巨卿姪間中二首

塵棲易遣髣雙侵薄宦愁
同作客深海上帆檣多落照
天邊風雨自平林官當心
冷惟思退詩爲腸牽不耐吟
何待向平婚嫁畢芒屨五嶽始堪尋

間山遙接越山蒼
劍外空淹日月長
成立最難惟汝輩

團圓不易總他鄉三闕擬索幾卿醉一徑誰除仲蔚荒
莫賦屯游感身世風濤我更路茫茫

竹初詩鈔卷之十三

武進錢維喬樹參著

姪伯珂

中錫

子中鈞

編次

秋懷五首

孫

潤斯
泰斯

校字

六月暑旣徂大火忽西落仰觀歲序馳天宇漸寥廓飛
雨來不時停雲渺無託稍稍修竹意已覺欲隕籜階蛩
語互荅林鳥棲自度客子懷故鄉獨寤感宵柝豈無尊
中酒愁思不成酌

濁酒旣罷酌高吟亦何爲天地一逆旅百歲悟者誰躍
冶誠不祥破觚易成規小盜殍瓦注大儒奮金椎但知

蠕動樂詎識蝸觸危炎蒸豈能久消息運可推方其三
庚煽已兆一葉吹達人心無營素月常生帷

虛帷月乍入照見羈客眠玉軫停不彈明河漸橫天晨
雞起羣動攘攘百慮牽半通雖已微亦恐寒燠愆急符
日再下迫促惟金錢既無菱棠舍復鮮種秫田抱關竟
何爲徒使人壽煎昨非縱可諫今是猶茫然俯慚遊魚
樂仰媿飛鳥旋

鳥飛亦有時物處各以類而我如匏瓜三年海濱繫同
懷隔天末羣從半萍滯兩女猶左嬌一兒作秦贅居頻
太常齋衣偶士蔚製妻孥頗相哂謂我大顛顛豈知觸
藩憂難效餽糟醉歲宴孰華予登臨感秋氣

秋高縱遠目落日大海明島嶼衆影沒檣艣蒼烟平句
踐昔東封霸迹久已傾三江戰爭地再築牢之城時平
富魚鹽舶舫來縱橫不然蛟龍窟氛祲自古生乘風此
徑去緬想通蓬瀛人生洵有涯趲起世網嬰賀監可入
道梅尉忘其名誓將訪遺蹤一使大藥成

泊丈亭

夜雨帆初落朝涼衣漸輕潮痕依草上山勢入烟橫小
市聞雞喚遙田對犢耕秋風亦吾意一宿見人情

喜晴

欲晚江風換晴從水宿占濕雲低未定涼岫遠相兼燈
火村容續蛩螢岸語添明朝觸離緒應見月纖纖

篋中揀得巨卿姪三月所寄詩蓋與序東魯思侶
酬之作蓬窗無寐輒依其韻

雲山雖隔意相親骨肉閩南有數人風物當春偏帶夢
詩歌寄遠總傷神梅花官閣三更月柳色郵亭十丈塵
便是貧遊各無賴暫時萍聚亦天真

風塵那得素心來白眼青天漫舉杯寶釵不知肝膽熱
黃金難緩鬢毛催待支門戶都爲客若賦烟霞儘有才
莫問折腰癡叔在感時清淚更難裁

謝草江花欲見難三秋書去託征翰滄洲歲月誰能畫
清鏡功名只獨看褚珩官非求自潤孟郊詩本願爲寒
何當決計離塵土並向湘皋采芷蘭

宿西興渡

古驛初收雨秋烟欲做暝身原同過客心已倦離亭叢
火明遙市高檣入衆星眠鷗應識我來往此頻經

凌晨渡錢塘江

年年擊楫起愁吟十幅蒲帆霧氣森山到五更清見骨
潮從八月白驚心霸圖射弩空形勢宦跡飛鴻自古今
畢竟季鷹真達者秋風一櫂去難尋

懷二兄

頭白猶爲客天涯有阿兄一經窮世味十口託人情漳
浦秋雲渺吳峯曉月明夢看腰脚健

二兄夙病足

轉使別懷

生

不寐憶徐如卽寄代柬

去年別汝吳山畔心似秋麻各零亂今年盼汝甬江濱
輕帆不來思煞人人生百歲豈能滿夜每苦長日苦短
滄波若聽夢魂勞白髮肯如衣帶緩我今薄宦不自由
汝更舉家圖遠遊陶潛漫憶田園在梁竦徒爲州郡愁
夜涼孤館殘尊瀉枕上潮聲來萬馬行蹤早與決絕書
休遣西窗燭頻燃

巖兒就婚粵東至武林知其已解維矣作此馳寄
一官已過二毛期膝下相看有袞師不爲關河憐轉甚
直教家室累初知新秋吳市挑燈夜細雨巖陵聽雁時
休擬歸裝娛陸賈層巖好及勸深卮

兩女詩

我生向平累屈指無幾許一兒去遠贅膝下惟兩女大
百年十八嬌憨若初乳梨栗雖不爭之無僅能數眠慵
復起晏結束愛楚楚索我約臂金裁我稱身紵旨蓄秘
祖醢甘分鬪餌救取悅阿父口拊掌輒笑舞小者纔九
齡狡黠到眉宇唐詩十數行背誦不待午烏鴉學把筆
系鳳竊翻譜頭蓬自能梳衣綻強欲補偶爲下九嬉半
雜句甬語惟恃耶弗嗔華衣或爾汝閨門本嚴君若等
我安取非男聊慰意督責亦何苦退衙呼使前好弄故
性怒爛漫觀天真愛憐順倫序人生無百年遠慮及門
尸賢愚釋懷抱吾羨浣花杜

招李太守渭川盧廣文月船范秀才莪亭盧上舍
東溟賞菊以秋菊有佳色分韻拈得秋字

昔我來甬上爲期已三秋皎如霜中葩塵土出一頭良
辰十月宿置酒招朋儔有菊數十叢入盞疏香浮駢枝
別種類俾色工尋求爛漫異俗艷不礙官齋幽人生幾
花時百歲同波漚束身允簿領更對老圃羞諸公盡灑
落賤子猶拘囚嘯侶成五君吟詩擬四愁離英本高士
似勸客早休弗負謝淪口須澄郭文牌新知締海角一
笑浮雲收取驗晚節芳衆卉何所尤

范秀才見和賞菊詩意兼感遇託愛拳拳復用原
韻荅之

讀書志逢時亦如農有秋不遇饑刮膜徒使霜盈頭范
子甬東彥才匪泉石儔五十未作達富貴閒雲浮官衙
闢三徑偃室來羊求發我緇衣誠契爾黃華幽丈夫貴
不朽萬事風中漚漚忍縛榮祿塵面徒駢羞定知石可
友寧爲山所囚得失還太虛一盞銷深愁輕香感舊摘
歲序寒易休惟此籬畔花得其天邊眸告歸尙無期宦
海舵未收來詩云公留有石九故及之終始最明德俾我免大尤
春間偶寫梅花一枝綴以長歌贈范子莪亭猥蒙
裝潢成卷並辱諸名士題跋因復識絕句二首于

尾

尺幅踈踈寫歲寒有人識我帶梅酸

梁山舟題云名士不嫌詩瘦使君尙

帶梅 須知不比穠桃李一例春風索笑看

塵俗何當問賞音酒醒不復記狂吟多君一紙加珍重
歲歲南枝共此心

寒篝永慕圖爲洪孝廉穉存作并繫以詩

我今薄祿不逮養每念風木悲填膺忽然千里致寸卷
乃是吾鄉賢母課子之遺踪是時秋窗雨淒急空庭無
人樹墮葉披圖不聞機杼聲如有孤兒夜深泣白雲溪
畔樓三楹一鐙熒熒映水清衰楊颭影饑雅鳴鰥卹其
緯雛橫經此情不可再此景安忍寫便有成名長大時
藜光不及寒檠炮謂君續學由此基頃君間教各有詩

同里陸君維南爲繪機聲燈影
圖名公鉅卿題詩已滿卷矣

胡爲命我復濡墨得毋

箴規欲令申微詞人生堇荼足千古富貴弗忘孤露苦
一絲若遣變緇塵五鼎翻虞辱黃土君家舊德我所聞
願君繪影存心魂吁嗟乎豈無蚩氓不識字吞聲孺慕
終其身

采菊翁范氏名從微曾任壽春牧閩邑令歸田蓋
四十年矣從子莪亭以其吟藁見示因屬和其菊
影原韻二首卽以持贈菊翁養高不甚入城市予
未謀面是詩以爲文字緣亦奚不可

栗里歸來身自在先生愛菊見天真每思高士幽如夢
知歷清霜鍊有神把酒儘教忘幻迹橫窗絕不染纖塵
頻年我尙爲形役頭白籬東媿此人

春榮秋落兩相妨。漫向華鐙鬪艷忙。澹可忘言非世味，
寒猶有徑是吾鄉。馨香一掬看疑霧，魂魄三生傲帶霜。
解得黃衣離色相，名花踪跡本空桑。

盧月船賞菊詩分得佳字用六麻韻以少陵旣雨
晴亦佳一詩爲證予謂佳字自有本韻不得避難
就易翼日乃別構一章來示因依韻答之

作吏苦太俗，賴有賓朋佳。偶借金英香，得邀玉山排。羣
公甬上秀，風雅各滿懷。聯袂枉芳躅，輝我三閭齋。清詩
手捶鉤，健筆股折釵。難斷是綠酒，易解唯青綈。此夕頗
良會，羅綺陋越娃。視彼肉食流，齷齪非吾儕。嗟予質日
變，橘柚愁踰淮。敢當玉川才，險韻拈籤牌。側聞范氏閭，

藏書浩無涯

諸君相訂登天一閣觀書

相期一探討豁眼登天街顧

慙簿書胸襟莽方塞埋寶山入空手徒恐資訴俳螢囊

照已闌牛鐸音豈諧秋花解笑人萎落當塵階吟罷仰

霄漢霜月青銅階

范菊翁李渭川盧月船范莪亭盧東溟招飲天一

閣觀藏書卽席索和

黑頭強負讀書名傑閣初登媿百城題處自天昭世守

閣中書進呈覽有蒙

御題者

乙繙時近水得家聲

閣前有方池半畝取天一生水之義

當窗介石苔俱古

架旁多置英石云可辟濕

觸手靈芸蟲不生

展卷得芸

草數枝蓋司馬公手置云得之西域亦三百餘年物矣

幾許燃藜眩朱紫夢誇中

秘眼難明

縹緗海國久知聞折柬深煩禮意勤二老追陪有今日
菊翁年八十有六一尊酬酢藉斯文門墻德舊容塵客
渭川年七十有七風雅譚多易夕曛却憶先人敝廬在青箱冷落鎖江雲
偶于廨東偏隙地構屋前後五楹庭植疎竹數十
竿以爲憩息揮翰之所因取孟襄陽林棲居士竹
句顏之曰小林棲并記以詩

一官如客燕所至定新巢徑偶苔痕展庭添竹影交經
營心暫寄去住跡難膠爲署幽居額勞人欲解嘲

海上三年住甘棠一事無詩情疎案牘鄉夢隔菰蘆學
圃謀雖鄙攤書計未迂所求容膝好隨處總吾廬
愛竹生前骨看山此日心便娟盈手出蒼翠入秋深地

窄鄰容借

扣地一弓假之于鄰

屏吳丞也窗幽俗未侵翻嗤浣花叟辛

苦草堂吟

歸向蕪三徑官偏結數椽簾櫳差寂靜几研喜安便得
暇爲中隱無求卽小禪成詩紀傳舍居任後人賢

聞曼亭謁選通守杭州却寄

單車未足慶彈冠十口方愁寄跡難松菊尙無中隱地
湖山偏稱左遷官西窗聽雨情如昨東閣看梅歲又寒
莫爲冷曹吟興減宦途閒處較心安

題盧東溟書船圖

柳色烟光澹池春蒲編遙映水鱗鱗扁舟莫道無多客
不載今人載古人

岑樓方許抱經眠

盧氏有抱經樓藏書頗富

又泛江虹貫月船應笑

君家玉川子長須赤脚屋三椽

畫舫珠簾貴官具筆牀茶竈散人情從知窮達俱關命

不若臨流擁百城

萬卷應成海國儒一甌能借使君愚

盧生曾以萬季野歷代史表見贈

更煩十文青絲笮盪我塵心向鑑湖

題畫

深秋城郭惟黃葉薄宦情懷匪白鷗爲語甬江江上水
滯人休只繫孤舟

再過東湖

百頃寒波綠重遊打槳頻眼隨平夜濶身與暮霞親葭

茶能涼客鳬鷺不忌人何當逐漁父便結水雲隣

宿鄭氏醉碧樓

一枕依空碧岑樓客暫安山光平檻過湖氣逼繁寒種

菜身堪老

環湖山麓多植蔬蓋土性所宜也

垂綸計尙難吾廬原澤國

歸夢忽無端

除夕得管韞山農部札

卑官遠繫故人思書到頻憐未入時自是虞翻難協俗
非關宋玉有微詞天寒客味袍痕在歲短吟情燭燼知
明發頭顱又添雪家山何日定歸期

春雪寒轉甚

破臘曾看兆歲豐又聽浙瀝到簾櫳不將融化成甘雨

尙覺飛旋帶朔風
爐火幸紅差有力
原田雖白漸無功
草堂幾徧憐梅樹
凍損疎花已數叢

小林棲賞梅分韻得竹字

竹初愛梅如愛竹
手移陳根種繞屋
退衙不得友高人
欲借香風散塵俗
草堂始成梅始藥
主人出門行僕僕
過江風雪三尺深
夢見疎籬凍寒玉
春暄却幸遲十日
瘦影能教粲雙目
偶然欸戶來素心
聊用分題傾儉腹
一年花事無幾時
每對東皇增縮瑟
橫斜况復稱水石
冷澹尤宜遠梁肉
西溪之濱孤山麓
何者不堪成小築
五株漫擬杜叟桃
一醺難酬水仙菊
捲簾隱几看未足
靜覺衣衿清染馥
人生引滿且自醉
官舍原如桑下宿

客來差喜共高寒
客去猶容伴幽獨
梅乎梅乎吾與汝
應願他生植空谷

題鄭太守楓人紅袖添香夜著書圖

人生悔不讀萬卷書
縹囊翠軸消蠹魚
又不能施十步障
樊口蠻腰醉相傍
一官塵土污且卑
夢中彩筆醒失之
遂令千秋萬歲身後事
微名不如豹留皮
使君古良二千石
才華本是薇省客
五馬湖濱足吟歎
一編鐙下猶羅撫
靈光殿賦出口脂
豈獨婢解毛公詩
陟擅五雲臺閣體
邴然二燭神仙姿
風流得此可千古
何必更用丹鉛甲
乙勞其思博山爐
中烟縷縷簾幕風
柔月亭午破除結
習一事無供覆瓿
耶徒自苦題公之
圖冀公許

醇酒婦人吾所取

爲方吏部葆巖題青溪泛艇圖

威鳳不世出靈芝匪無根從來瑰偉姿毓秀由德門方
耶佳公子妙譽傳觸辰朗然抱玉山早充觀國賓先公
昔爲政三輔謳陽春頗遲充問兆祓祀奔黎氓喬松寒
不凋瑞竹實有因一朝石麟降喜色動至尊西掖雖

餘榮南宮自致身乃知驂駟種深穩超其羣家兄寫叢

蕙曩以頌清芬復綴叔寶圖遺像肅拜新

尊人敏愍公
艱于得嗣君

誕生之時先文敏兄曾作叢蘭圖賀之敏愍公于所藏
錢叔寶四清圖後自繪小像先兄復寫牡丹數枝幘尾
並題兩代翰墨緣于我彭錢存湖山一握手恍若夙好

有詩
敦石城古佳冶桃葉流通津誰容王謝裔便作漁釣倫

澄波渺前期打槳伊何人吾將泛宅去無煩北山文

題方大令次雲清泉白石圖

小侯百里儘堪仙何況紆青正少年欲爲蒼生作霖雨
只須心似在山泉

許侍御穆堂以先文敏兄手書梅花詩扇見示感
賦一律

青袍御史鬢成絲曾共山公醉習池日下論文幾輩
笛中歎逝不勝思梅花便面書留黯海國扁舟夢到遲
賸有惠連吟興減講堂同對草離離

清門雙柏圖爲汪進士龍莊作系之以詩

雙柏何青青託根在寒原枝枝自相亞交庇其本根兩

發撫一孤寒幃夜深泣紡績而授經願見孤成立屋角
衆木喁秋竹森不死門巷風蕭蕭絡緯吟敗址烏有不
終哺柏竟先後凋及兒學成時始知母劬勞通衢樹綽
楔榮之曰未足藉母言可傳致詞恐不速柏實蔭無已
其根久益茂人能永其親豈必在年壽

范學博永潤以七十自營生曠詩屬題爲賦短句
勞生無休期逸我在一死庸人惜年壽未識造化理葬
之爲言藏宅兆安汝止山邱與華屋彭殤同盡耳范叟
明經才晚頗附達士冷官棄苜蓿薄植羨菊杞蟻食手
預防牛眠心竊喜我聞曠懷人所寶非支體山松行道
上延之酒肆裏猶遜楊王孫返真收其子

訓譚孝廉蘭楫寄詩見存

一紙瓊瑤到眼新
尺書何意及風塵
東山臥謝虛教出
北海知劉尙有因
才借烟霞應不俗
契緣翰墨亦俱真
裁詩爲報佳公子
卽此神交是古人

小院于君號舊游

去歲曾受業于魯思姪

說君才思邁清秋
家風

久識惟儒素
科目新看出輩流

君今春獻賦蒙特恩賜舉人

翡翠天

邊終自遠鷄鶡
海上豈常留
他年烟水重相訪
多半閒踪逐野鷗

詠小林棲盆蘭

塵棲久已隔幽陰
曉坐清齋息乍深
但覺室存空谷意
漸看秋到美人心
離憂九畹應難訴
舊夢三湘或可尋

莫爲過時生惋惜素琴于爾是知音

貞女吟

有序

女姓高名阿鳳長洲莊氏婢也幼字楊氏子貧
不克娶父母欲改適之女不可乃止年四十餘
楊氏子遠歸議姻女以愆期久且兩姓父母俱
歿媒妁無存者疑不許願事主終其身今六十
餘歲矣猶能織作

吳下有好女以鳳爲其名身作婢子足縮不出戶庭幼
字楊家郎家無盜儲不克備禮來相迎走告女父母卽
令他適我出門不復爭東家有兒郎西家有子弟持雙
銀環欲願爲壻父母心大歡喜告女女不言面慘慘無

色垂兩涕兔絲附桑枝桑枯蔓中斷旣已相因依寸心
不可亂雞聲喔喔犬聲狺狺使我上堂事主母不我嗔
誓當作苦終身歲月一何促壻忽來歸女昔十八今四
十頭鬢鬢有白絲女不出戶庭安知壻容儀父母媒妁
俱在地下黃泉人生近老死何復效兒女子爲上有滄
浪天下有清清池女身分明無可相猜疑始終女無他
一守禮兒

小林棲盆蘭盛開同人小集分韻得蕙字

湘流忽中堂

雨過庭中
頻有婦嬀

虛室澹涼霽臭味來幽人同心

一朝儼羅生數尺盎韻足百畝勢天遣資微吟地宜愜
靜契買來乍市上坐去各香際遇合亦偶然可憐騷客

齊白頭枉高躅

菊翁久不入城市爲予破例

碧甃映聯袂竟厠塵吏

顏如蘭亞以蕙世多桃李取草得山谷簪晨露似訴妍

秋陽欲含愁唯愁歇綠艷莫肯接芳華服艾俱盈腰化

茅漫垂涕素琴寫清怨下女夢迢遞慎告栽培方弗成

蕪沒例

往歲蓄蘭數種俱以不善護敗之菊翁丁寧致誠焉

商飈動簾幕良會不

易繼客散明月生無言獨凝睇

分韻訖復呈諸君子

小築林棲亦洞天退衙差喜吏如仙幽蘭翠竹成三徑

白髮青衿集四賢海上秋雲初漠漠人間涼月最娟娟

他年倘憶鴻泥爪記取弦歌此一篇

贈采菊翁

老翁行年近九十精神如鶴下高秋四時衲枕常隨手

八載荷巾未上頭

翁自言無事輒睡又云暑月不冠已八年矣

城市偶來忘

禮數盤餐不俗肯勾留何緣祝鰥長陪座香草吟多續

楚謳

翁分韻詠蘭獨成五首

手栽翦秋羅

鵲啼不逐秋煙死美人猩紅在十指離離曉日照更嬌

一簇嬌攢鏡波裏百錢市上買乍歸籬根低插紛葳蕤

莫嫌花葉太瑣瑣女青那及男青肥渥丹顏退榴房老

冷落燕支眉的少爭知刀尺暈愁心碎翦朝霞帖幽草

喜篠如至

甬上非吾土差看骨肉同心俱雜秋草眼欲盡江楓翦

燭多羣從裁詩紀寓公吾衰知漸甚遵渚羨飛鴻

一舸乘潮至歡從暮燼生海雲多罨樹山月易低城婉

婉深閨話離披薄宦情惟應憐弱息師得女康成

爲孫如

字援

晨起見墮蘭惜之

綠珠真作墜樓人空向湘簾溯淨因細嗅定還通曉露

全歸仍不散秋塵

花中惟蘭墮離枝而瓣絕不損

也知幽樞難爲久便

遣香消別有神好語根荳留怨種任他衆草駐芳春

便著幽叢也可憐况堪幾縷委輕烟前身靜女應成夢

餘息空山合化仙楚客微吟隨地有謝生竟體總天然

憑誰一寫同心恨腸斷青青舊影妍

病中柬范莪亭

一舸秋江載客還兼旬閉閣鬢增斑養生有論求應晚
聽訟無能媿更閒藥水稱量銷白日幃衾展側夢青山

鼎顛否出頻遭患

疾中屢苦毆泄

始悟刀圭隔世間

三載弦歌見滅明蘭心契合在深盟維摩示疾原非幻
靈運生天各有成尙喜身邀才士惜敢誇政得邑人情
貽來沉水知君意

莪亭昨以沉香二片見贈

欲諷龐參一味清

病起口占寄曼亭

一官如葉繫人情病入傳聞襍喜驚俗吏膏肓應易索
才人塊壘自難平

病苦肝氣腹中有聲如雷

醫從屢誤方書賤身到

瀕危世味輕猶記石交投尺素幾將航海護鯁生

指孫廣文

後齋

片善曾無及此疆。踵門何意有韓康。頻年腹本車輪轉。
此後心彌水飲涼。邑人盧舍人青厓自來相治。頻服硝磺。連諸味乃差。緩死天
留泉石在謀生。人復馬牛忙。破除癥結從今悟。兩字無
愁海上方。

乙巳元旦偶成二十韻

馬齒加奈何。畏始一之日。積此成年歲。所得不償失。瞳
瞳曙光開。羣動各蟣虱。勞生見萌芽。趨死暫笑哿。俎觴
不能御。綵勝紛掛室。兒時所嬉戲。老大轉驚怵。况我頭
顱頽四十。復增七居官。乏善政求學。徒曠佚民慈。弗遽
詛士愿。猶肯睜然而天良存。積媿已遭疾去冬大困苦。

兼旬臥啣啣醫曰肝爲害誤服桂與朮藥誤可改治心
疾宜變術六州鐵雖鑄三面網非密孰禁張翰舟久荒
陶潛秋白髮無愆期青陽屢換律人生貴適意爲樂有
儔匹直道守朱繩流光付錦瑟穉孫倏兩齡啞啞抱在
膝見爾項領成吾衰更難述

和孫後齋見寄原韻

病起何堪賦索居投來刀札眼初舒一緘藥裏春風外
後齋寄土蓑並葯方一紙幾樹梅花曉夢餘海國論文豪尙在天涯
對雪冷誰如書到適值微雪惟應互審郵筒句便抵人間未讀
書

與篠如遊會稽章氏寄園

小築臨江岸柴扉扣久開迎人惟竹石
逝景在莓苔招隱曾無地尋幽亦借才
吟成語園媪可要客重來泛棹春前約
看山病後身遊能偕骨肉跡暫出風塵
高閣虛通屐殘梅乍見人南塘路須記
小別歲華新

遊寄園後與篠如舟中夜坐雜話

守歲留將女阿咸江干又共數春帆
一舟天上人剛坐半日山前影漸銜

夢繞山巔與水濱一林烟月畫來真
平生冷淡成相識除却梅花更少人

野鶴樊籠儘可猜山松行路久生哀
早教貧道遊蓬戶泉石經綸別有才

溪畔閒鷗應少恨天邊明月漫多情一尊難得春前酒
便不長征也短征

故山雖在買難賒亭子勞勞欲當家最是流連惜光景
他人池館有閒花

名園空問主人名只有幽葩似送迎却憶官齋亦傳舍
小林棲畔數枝橫

過繞門山

幽絕剏溪路扁舟數往還天能閒白鳥人自失青山落
月帆初上孤吟鬢易斑客愁嗟匪石難遣五丁刪

山經
屢鑿

漸成嵌空
之狀矣

偶過吳氏小園看牡丹作

官舍西鄰吳生家約春不住半畝花吏兮非仙兩塵隔
賓從暫往歸相誇蓼蓼三鼓放早衙擺脫桉牘幽興賒
入門有徑竹含翠到眼發艷屏流霞桃時杏日轉曉過
芳訊匆匆掩關臥夢斷佳人繡被堆神馳豪客黃金馱
主人揖我話欸欸公之此來頗閒緩六渠未得踵兒寬
城中方濬河余適閱視還乃遊于此一會居然列房琯姚黃窈窕左紫肥
江南三月穀雨霏殊鄉取醉縱爛漫買栽池館何時歸
濃香咫尺竟未知名以富貴匪我思主人倘肯惠數枝
清齋食菜宜乎宜

小林棲軒後罌粟盛開偶紀以詩

春苗秋實蒔花田採療朝饑佛粥煎差勝鼠姑空鬪艷

一叢深色買論錢

柔枝浥露儘天斜如盞開成亦足誇我尙折腰因五斗
閒階羞對米囊花

種自菊翁初乞得

去歲范菊翁予此種

枝從竹徑好扶將何當幻

作根千畝便抵休糧海上方

灌植曾資輕費肥

種罌粟須糞土乃茂

朝霞一昔染芳菲從知排

紫非難得便是花叢太素希

花開紅紫各數種極絢爛而白者祇二本

訪蔣孝廉學鏞延入誌館卽次其東廬廣文韻

清琴偃室韻難追問字猶堪載酒隨劉嚙檀橋曾不遠
廣微竹簡更何疑便成野史須人在定覺名山可自爲
他日鑑湖容吏隱相期一卷對花持

范莪亭以扇索畫甫下筆而時雨適降因系截句

二首

便面風生一掃塵
閔農心事展眉顰
使君那有爲霖手
賴得催詩是故人

午餘檐霽忽潏潏
多少扶犁喜破顏
却悔拈毫失真景
不曾寫作米家山

四月十五夜獨坐小林樓翫月作

自我來明州已見四十六
蒼園園月山光入戶倦青眼
海氣吹人易白髮前年初築小林樓
花竹稍喜能紛披
晝勤敲枰夕晏坐一人之身仙鬼兼
爲之姮娥知我意
良苦特遣蟾蜍弄影掃天宇
纖阿不動水鏡張銀漢無

聲流下土此景幽寂不殊山中清露暗墮浮烟若空素
琴挂壁靜欲語洞簫觸手疑生風數椽之屋不過大地
一泡影就中棲息何況萍泛梗頓忘野馬飛蟻蠓偶逐
游魚樂藻苻舉盃邀月聊放歌安得斫却桂樹光更多
人生三萬六千轉瞬過汝南雞喚奈曉何

戲作吏不可爲吟六章

叅謁

雞初鳴偵大府鼓聲隆隆銜尾疾進如羣鼠坐左廂曰
亭午饑不得餐輪轉肚口噪脣乾噤無語須臾手版如
葉飛曰公不遑詰旦來如是者再四乃得側身入謁升
其階無恒暘雨乎民不疾苦乎口之所諮非所圖以色

示退僂而趨歸告其賓朋今日上官遇我殊

饋遺

若者縣繁望若者賦上中肥瘠揣而知窶數藏其胷問
吏何所有一絲一粟民膏脂交親經袍來白著顏忸怩
所愛權錙銖所畏揮沙泥山中麀鹿川中魚竟陵四盡
古有徒取彼以與此海波之沫乃自濡令公喜令公怒
朱提有神作人語

催科

官如大魚吏小魚完糧之民其沮洳官如虎吏如貓具
體而微舐人膏二月絲八月穀婦出門雞登屋五刑之
屬郵麗事役惰追呼罪其罪然而心所不怒強威之投

鍛鏗然厭且憊坐堂皇鞭其尻役以皮肉更錢刀彼縱
不苦我則勞署上上考何足高

鞠賊

強者盜懦者賊明者劫暗者竊盜不易捕賊易得豺狼
伏莽鼠逃壁此輩民之蝨五毒宜懲凶及觀號呼慘肢
體與我同所起由饑寒刑之不可止單辭鞠徒煩得情
無足喜穿窬內荏而色厲取非其有賢充類乃知天下
之賊難盡求竊鈎者誅竊國侯

判牘

晨起罷盥漱僮來促官書官書日幾何堆案二尺餘刊
章匡以花急遞插以羽歲月加封檢字句乏點黠披之

兩眸眊朱墨手倦舉筭事耶筭丁耶甲乙丙者著令耶
決事之比紛如麻需頭辭卑累而上得一大諾自天降
宣底駢緘副其狀符火速竿作櫝尾加恫喝眎已熟大
胥之叱守令如叱僕

酬賓

樂莫樂兮見故人苦莫苦兮對惡賓胸隔千里萬里貌
強親唯唯諾諾不敢嗔銜盃引手視蔭不走使我有核
下咽不得腐饒腦填腸泄且歐何如還鄉獨處扃門庭
所不願見者叩不磨

董秀才均叔錄其尊人東亭太史遺集遠來見示
感而有作

一編忽見故人詩喜有超宗是謝兒詞客天邊紅豆句

東亭名潮有紅豆山莊歌爲都門所傳誦寓公海上白楊枝東亭本予同里以贅壻移家鹽

官修文筆絕留佳傳甲申歲東亭修誌未竣卒吹笛鄰

殘少舊知迴憶長安同榻臥廿年歎逝淚如絲癸未試春官子

與東亭同邸舍數月

邑中紳士餞予于南郊祖開口占七律四章卽以

誌別

五年甬上足勾留喜共邦人作宴遊野色乍濃因過雨

閒身暫乞可禁秋重陪白髮成高論范菊翁年八十却

對滄江起別愁今日臨風盡三爵須知蘭臭本相投

黃雲千畝護平岡故里猶傳孝子鄉與諸君步尋董孝子故里卽展拜董

母廟祭舊徵唐歲月塚碑初讀漢文章城中有孝子祠破志乘始建在

大愿十二年歲以六月六日有司致祭董母墓碑泐有今已殺寄祭于墓前等二十四字即孝子復讐祭母文

也一官丙舍空遙涕萬事丁年易夕陽慙媿浮湛隨俗

吏歸完潔白尙茫茫

一事曾無善及民此身久已歎緇磷猶聞輿頌顏滋厚

得傍文人氣畧仲座中范莪亭袁陶軒皆名秀才海國鷄鵬飛已倦秋

郊苗黍問還頻晚禾頗爲蠹所傷諸公倘許單車返某茹君魚

本苦辛

車蓋飄風會偶然人生聚散亦前緣但逢農圃如招客

只有林泉可駐年酒盡玉瓶斜日迴香浮金粟小山妍

他時得續西園集記取前溪半縷烟